

欽定歷代職官表

11

7保4
4544
18



同知正五品奉天一人直隸二十四人江蘇二十三人浙江十五人安徽貴州各七人山東十二人陝西六人山西江西各十一人河南甘肅廣西各八人福建湖北廣東四川各十人湖南九人雲南十三人通判正六品奉天一人直隸安徽湖北各八人江蘇十六人山東河南各十一人山西浙江江西湖南各十人陝西三人甘肅廣西雲南貴州各六人福建廣東各七人四川九人

同知分掌督糧捕盜海防江防清軍理事撫苗水利諸務通判分掌糧運督捕水利理事諸務各量地置員以佐知府之政治其有兼理民事直隸于各省者其職如各府各直隸州之制而品級則同

國初每府置同知通判或一二人或三四人不等嗣後酌量繁簡因時裁設又初各府設有推官專掌讞獄之事康熙六年裁

各府經歷

正八品同知經歷品級同

奉天一人直隸湖北湖南廣西各十八

江蘇六人安徽河南廣東各八人山東山西甘肅福建各九人

陝西四人浙江雲南各十一人江西四川貴州各十一人各府

知事

正九品

江蘇三人浙江一人廣西二人雲南五人各府照磨

從九品同知照磨品級同

江蘇五人安徽河南各一人陝西浙江各四人甘

肅貴州各二人江西十二人四川十人各府司獄

從九品同知通判司獄品

同直隸四人江蘇安徽河南陝西四川貴州各一人山東十人

山西廣西各三人浙江湖北各六人福建廣東各八人湖南二

人雲南五人各府宣課司大使從九品江蘇三人各府稅課司大使從九品浙江四人廣東一人各府倉大使從九品直隸二人山西從九品陝西各一人各府檢校未入流江蘇三人各府庫大使未入流山西一人各府茶引批驗所大使未入流江蘇一人各府長官司吏目未入流貴州三人

各府經歷照磨掌受發文移磨勘卷宗司獄掌察理繫囚宣課司大使以下各守其職以分理府屬之事

國初每府設經歷以下各官因事繁簡無定員嗣後因時裁設並如今制

各直隸州知州正五品直隸甘肅各六人江蘇廣東各三人安徽陝西各五人山東福建各二人山西十八人四川九人河南湖南

雲南各四人江西廣西各一人

掌直隸州一州之政令其規制與知府同惟無倚郭縣其所治州即以知州行知縣之事

國初各直隸州俱置知州一人嗣後或以府改設析置或以府屬州升或省併入各府其員額亦因之增減焉

各直隸州州同從六品直隸安徽四川各三人江蘇山東陝西甘肅福建各一人河南廣東各一人州判從七品直隸五人江蘇安

徽山東陝西廣東廣西各二人山西湖南各四人河南甘肅各三人江西雲南各一人四川七人

直隸州州同州判所掌如府同知通判之職以貳各州而佐其政治其員額因事之繁簡並隨各州升改之制而建

置焉

各直隸州吏目

從九品

直隸六人江蘇廣東各三人安徽陝西甘

肅各五人山東廣西各二人山西四川各九人江西一人湖南

雲南各四人各直隸州巡檢

從九品

直隸山東甘肅江西廣西各

一人江蘇七人安徽山西廣東四川各五人福建二人湖南雲

南各三人各直隸州驛丞

未入流

直隸山西四川各一人各直隸

州開官

未入流

山東八人稅課司大使

未入流

江蘇山東各一人

直隸州吏目掌禁戢姦宄防護獄囚典司簿籍巡檢驛丞

稅課使等屬各掌其職與各縣所屬同員額隨州建設復

因地裁減如今制焉

歷代建置

謹案守令為親民之官而以守統令其職益繁則其任

益重三代分土建侯今收守之地古之侯國也惟畿內

之地百里內有州四百里內有縣而州則屬於鄉大夫

縣則屬於遂大夫蓋地不置侯而治土治民必有統率

與今之府州職差相近漢郡守秩二千石置丞尉別駕

長史侯國則以內史相治民實為守土專官故州牧刺

史迭有變更而郡守之職由漢迄六朝不改自南北分

裂置郡日多州之所統無以大異於郡隋唐之世或去

郡或去州蓋亦因時制宜之法然欲去郡而郡卒不可

得而去欲去州而總管府採訪使之設則仍州制也於

是州名始降而與郡無異矣若夫京都稱府始於唐代

每府置尹及少尹以治之諸郡不得儕焉宋代又以潛藩建節之地皆升為府元明因之置府浸廣而天下諸郡盡以府名郡守則盡以知府名然知府之稱實起於宋之以京朝官出莅府事因其猶帶本銜故曰以某官知某府目若不由京朝官出者曰守曰尹原不相混元代散府尚存府尹之目至明而一概皆稱為知府無所區別矣直隸州知州之設不見於古時惟後漢屬國都尉以縣之離郡遠者置之稍有屬縣與郡守分土而治略見權輿隋唐罷郡之後州無不直隸者雖名為州其實郡也渤海國大氏規倣唐制於隸府諸州之外有獨奏州之稱於是州始異於郡而惟獨奏州則可以視郡

至明代諸府之外領縣而視府差小者以直隸州稱之若府州僚佐列代相仍名制少異而大率相近恭惟我國家體國經野設官分職各直省並設各府各直隸州以為牧民之統率其同知州同以下分猷佐理規制精詳洵非前代之所得比擬而沿革所因得失尚可攷見謹序其崖略列於左方

三代

周禮天官大宰以九兩繫邦國之民一曰牧以地得民二曰長以貴得民三曰師以賢得民四曰儒以道得民六曰主以利得民七曰吏以治得民鄭康成注長諸侯也一邦之貴民所仰也師諸侯師氏儒諸侯保氏主謂公卿大夫吏小吏在鄉邑者賈公彥疏此一經皆據諸侯

謹案周禮大宰九兩之法專指侯國言之其所謂牧如今之督撫監司曰長則府州縣之職曰師曰儒則猶各府州縣之有教授學正教諭訓導也曰主曰吏亦如府縣之僚佐及六房科吏也

周禮地官鄉大夫每鄉卿一人各掌其鄉之政教禁令以歲時登其夫家之眾寡辨其可任者以歲時入其書以鄉射之禮五物詢眾庶使民興賢出使長之使民興能入使治之遂大夫每遂中大夫一人各掌其遂之政令以歲時稽其夫家之眾寡六畜田野辨其可任者與其可施舍者以教稼穡以稽功事掌其政令戒禁聽其治訟令爲邑者歲終則會政致事

謹案周制畿外爲諸侯列服之地其官不詳於周禮畿內之治地者則分六鄉六遂領鄉者爲卿自鄉大夫以下則有州長黨正族師閭胥比長領遂者爲中大夫自遂大夫以下則有縣正鄙師鄩長里宰鄰長大小相維皆所以分地而治民也以今制攷之六鄉切近王居其有州有黨亦如順天府之有各屬州縣六遂在二百里外其有縣有鄙亦如直隸省之有府州縣則鄉遂大夫並如今各府各直隸州之知府知州而遂大夫所掌政令戒禁聽其治訟令爲邑者歲終致事與今知府之職尤爲相近也畿內之治地者既如此其畿外統於諸侯亦復有三郊三遂之制立官之法亦必有與王畿相同

者特典籍不備不可歷數耳鄉遂出軍與今八旗之制最合今已別繫之八旗都統篇而復著鄉遂大夫於此表以明治地之官之所自始云

秦

杜佑通典郡守秦官秦滅諸侯以其地爲郡置守丞尉各一人守治民丞佐之尉典兵

鄭樵通志秦置郡丞其郡當邊戍者丞爲長史掌兵馬又秦官有郡尉掌佐守典武職甲卒

謹案秦罷諸侯分置郡縣爲後世府州縣之所自始然郡之爲名實不始于秦時攷釋名云郡聚也人所羣聚也說文云周制天子地方千里分爲四縣縣有四郡

周書作雜篇千里百縣縣有四郡郡小縣大故春秋傳曰上大夫受縣下

大夫受郡秦并天下置三十六郡以監天下之縣則郡大縣小秦紀魏納上郡十五縣是也是則自古卽有列郡之名特秦改置之在諸縣之上而魏納上郡又在秦未置郡之前蓋秦亦第因列國遷移之舊而爲之制耳史記秦本紀惠王十三年置漢中郡此爲秦置郡之始其後分爲三十六郡而史記漢書所紀又有楚郡郟郡東陽河間等郡蓋天下既定制爲三十六郡而其初暫置及後所增設當亦不爲定制也守丞以下諸官則自漢以來多相承不改云

漢

漢書百官公卿表諸侯王內史治國民中尉掌武職成帝
綏和元年省內史更令相治民如郡太守○郡守掌治其
郡秩二千石有丞邊郡又有長史掌兵馬秩皆六百石景
帝中元二年更名太守

漢書高帝本紀懷王以沛公為碭郡長章昭注秦名曰守
漢初改曰長

晉書地理志漢祖分內史為三部更置郡國二十有三文
增厥九景加其四武帝開越攘胡初置十七拓土分疆又
增十四昭帝又增其一至平帝元始二年凡新置郡國七
十有一與秦四十合一百一十有一

馬端臨文獻通攷漢景帝中元二年更名郡守為太守凡

在郡國皆掌治民進賢勸功決訟檢姦常以春行所主縣

秋冬遣無害吏案訊諸囚平其罪法論課殿最按律有無

今言公平吏漢書蕭何并舉孝廉漢制歲盡遣上計掾史害都吏如

各一人條上郡內眾事謂之計偕簿郡為諸侯王國者置

內史以掌太守之任宣帝以為太守吏民之本數變易則

下不安民知其將久不可欺罔乃服從其教化每拜刺史

守相輒親見問觀其所繇退而攷察以質其言常稱曰與

我共治者惟良二千石乎是以漢世良吏於是為盛稱中

興焉

謹案漢因秦制置郡守以秦郡過大漸為分析其諸侯
所封則謂之國國以內史治民其後以相治民是內史

與相亦郡守之職也然漢分郡雖眾而郡地之大者亦數千里宋馬永卿云漢時郡極大即以會稽郡攷之吳卽蘇州也烏傷卽婺州也毘陵卽常州也山陰卽越州也由拳古之樵李卽秀州也太末衢州也烏程湖州也餘杭杭州也鄞明州也以此攷之卽今浙東西之地乃漢一郡耳蓋因時制宜以戶口之多寡爲郡地之大小初不以里數計也漢初有郡長之名其後爲郡守後又改爲太守其義則一而已

通典元帝建昭二年益三河大郡太守秩凡戶十二萬爲大郡

謹案明制以糧石分天下知府爲三等有上府中府下

府之稱卽本此意

通典兩漢有功曹史主選署功勞有倉曹史掌倉庫有決曹賊曹掾主刑法有督郵掌監屬縣有東西南北中部謂之五部督郵故督郵功曹之極位

謹案西漢郡佐漢書所載者曰丞曰長史而已通典備敘羣職足以補漢史之缺故並著於篇

後漢書百官志郡國凡九十八其二十七王國相其七十一郡太守其屬國都尉屬國分郡離遠縣置之如郡差小置本郡名世祖并省郡縣四百餘所後世稍復增之每郡置太守一人二千石丞一人郡當邊戍者丞爲長史王國之相亦如之每屬國置都尉一人比二千石丞一人

中華古今注建武六年三月令郡太守諸侯相病丞長史
行事十四年罷邊郡太守丞長史領丞職

三國

通志三國時有郡守國相內史又魏置中正

宋書百官志漢末及三國多以諸部都尉為郡

謹案三國郡制並如漢代惟郡都尉既併省於後漢而
三國則仍置之既以主兵亦與郡守分土而治而諸部
都尉遂與郡不異然見於漢書表志者秦之都尉典武
職甲卒漢之都尉典兵禁備盜賊譏出入而邊郡置農
都尉主屯田殖穀又置屬國都尉主蠻夷降者覈其職
掌究以主兵為重而兼及守土其制實於明之各都司

及今城守尉等官相近故宋百官志雖有漢末及二國
多以諸部都尉為郡之文而無取旁引焉

晉

晉書職官志郡皆置太守諸王國以內史掌太守之任又
置主簿主記室門下賊曹議生門下史記室史錄事史書
佐循行幹小史五官掾功曹史功曹書佐循行小史五官
掾等員

文獻通考晉郡守皆加將軍無者為恥

謹案晉以太守治郡以內史治諸王國制與漢同惟郡
佐諸官視漢加倍晉史職官志所載是也郡守皆加將
軍則合軍民而兼治之與漢制不同蓋漢刺史郡守皆

專治民後漢末始兼理兵事晉所承者皆後漢末季之制也

宋齊梁陳

〔文獻通攷〕晉宋守相內史並銀章青綬進賢兩梁冠

〔宋書百官志〕宋太祖元嘉四年復置郡官屬略如公府無東西曹有功曹史主選舉五官掾主諸曹事部縣有都郵門亭長又有主記史催督期會漢制也今略如之諸郡各有舊俗諸曹名號往往不同太守二千石丞六百石

〔南齊書百官志〕郡太守內史郡縣爲國者置內史相

〔隋書百官志〕梁郡置太守置丞國曰內史郡丞三萬戶以上置佐一人郡縣置吏各準州法以大小而制員○陳承

梁皆循其制官會稽太守品第五加督進在第四品加都督進在第三品諸郡若督若都督皆以此差次爲例萬戶以上太史內史相品第六不滿萬戶太守內史相品第七謹案晉太守皆加將軍梁陳太守則加督加都督一如刺史之制蓋郡守之權旣重軍民無不兼理也自晉省郡丞宋則復置官屬與漢同制齊梁陳以下亦皆因之不改第史志闕文無可臚列謹攷見其大略如此

北魏

〔魏書官氏志〕初郡制三太守用七品者世宗班行職令上郡太守內史相第四品中郡第五品下郡第六品正始元年罷郡中正

通志後魏初郡置三太守孝文初二千石能靜二郡至三郡者遷為刺史太和中次職令太守內史相並以六年為限

北齊

隋書百官志北齊上上郡太守屬官有丞中正光迎功曹光迎主簿功曹主簿五官省事錄事及西曹戶曹金曹租曹兵曹集曹等掾佐太學博士助教太學生市長倉督等員合屬官佐吏二百一十二人上中郡減上上郡五人上下郡減上中郡五人中上郡減上下郡四十五人中中郡減中上郡五人中下郡減中中郡五人下上郡減中下郡四十人下中郡減下上郡二人下下郡減下中郡二人

文獻通攷北齊制郡為上中下三等每等又有上中下之差自上上郡至下下郡凡九等又北齊上郡太守屬官合三百一十人以下郡遞減之又北齊諸州有功曹參軍又司倉參軍司戶參軍司兵參軍司士參軍北齊以下並同功曹

謹案北齊郡官之制隋書及通攷互有不同今並存之以備參攷

後周

周書盧辯傳戶一萬五千以上郡守七命戶一萬以上正七命戶五千以上六命戶一千以上正五命戶不滿千以下五命七命郡丞四命正六命郡丞正三命六命郡丞三

命正五命郡丞正二命五命郡丞二命

隋

隋書百官志郡置太守丞尉正光初功曹光初主簿縣正功曹主簿西曹金戶兵法士等曹市令等員并佐史合一百四十六人上中郡減上上郡吏屬五人上下郡減上中郡四人中上郡減上下郡十九人中中郡減中上郡六人中下郡減中中郡五人下上郡減中下郡十九人下中郡減下上郡五人下下郡減下中郡六人開皇六年罷郡以州統縣改別駕贊務以為長史司馬佐官以曹為名者並改為司煬帝即位罷州置郡郡置太守上郡從三品中郡正四品下郡從四品罷長史司馬置贊務一人以貳之郡

正五品中郡從五次置東西曹掾上郡正六品中郡從六品下郡正七品

簿司功倉戶兵法士曹等書佐各因郡之大小而為增減改行參軍為行書佐其後諸郡各加置通守一人位次太守又改郡贊務為丞位在通守下縣尉為縣正尋改正為戶曹法曹分司以丞

通典隋郡太守如北齊九等之制至開皇三年罷天下諸

郡以州統縣大業三年又改州為郡郡置太守

本志宋齊以降天下分裂州郡漸眾及隋開皇初有州三百一十郡五百八以官煩人弊遂廢郡使以州親人則刺史如太守之職自後雖官名屢改而職事不易

謹案隋開皇罷天下諸郡以州統縣以刺史為太守蓋因當時刺史之職別有行臺總管府以統理之而州郡

職官表卷五十三 知府直隸州知州等官 廣雅書局

紛煩其大小又適相等故舉諸郡而並廢之其後煬帝旋罷州置郡則刺史太守遂為郡守互名而漢刺史之職遂無復有存焉者至郡佐史之稱改易不一其於職掌則無異也

唐

唐六典上州刺史一人從三品下別駕一人從四品下長史一人從五品上司馬一人從五品下錄事參軍事一人從七品上錄事二人從九品上史三人司功參軍事一人從七品下司倉參軍事一人從七品下佐三人史六人司戶參軍事二人從七品下佐三人史七人帳史一人司兵參軍事一人從七品下佐三人史六人司法參軍事二人

從七品下佐四人史八人司士參軍事一人從七品下佐四人史六人參軍事四人執刀十五人典獄十四人問事八人白直二十人市令一人從九品上丞一人佐一人史二人倉督二人史四人中州刺史一人正四品上別駕一人正五品下長史一人正六品上司馬一人正六品下錄事參軍事一人正八品上錄事一人從九品下史二人司功參軍事一人正八品下佐二人史四人司倉參軍事一人正八品下佐二人史四人司戶參軍事一人正八品下佐三人史五人帳史一人司兵參軍事一人正八品下佐三人史四人司法參軍事一人正八品下兼掌司士事佐三人史六人參軍事三人正九品下執刀十人典獄十二人問

事六人白直十六人市令一人丞一人佐二人史二人帥
二人倉督二人史三人下州刺史一人正四品下別駕一
人從五品上司馬一人從六品上錄事參軍事一人從八
品上錄事一人從九品下史二人司曹參軍事一人從八
品下兼掌司功事佐二人史四人司戶參軍事一人從八品下
兼掌司兵事佐三人史五人帳史一人司法參軍事一人從八
品上兼掌司士事佐二人史四人參軍事二人從九品下執刀
十人典獄八人問事四人白直十六人市令一人佐一人
史一人帥二人倉督一人史二人○都督刺史掌宣布德
化撫和齊人勸課農桑教諭五教每歲一巡屬縣觀風俗
問百姓錄囚徒恤鰥寡閱丁口務知百姓之疾苦內有篤

學異能聞於鄉閭者舉而進之有不孝悌悖禮亂常不率
法令者糺而繩之其吏在官公廉正己清直守節者必察
之其貪穢諂諛求名徇私者亦謹而察之皆附於攷課以
為褒貶若善惡殊尤者隨卽奏聞若獄訟之枉疑甲兵之
徵遣興造之便宜符瑞之尤異亦以上聞其常則申於尚
書省而已若孝子順孫義夫節婦志行聞於鄉閭者亦隨
實申奏表其門閭若精誠感通則加優賞其孝悌力田者
攷使集日具以名聞其所部有須改更得以便宜從事若
親王典州及邊郡都督刺史不可離州局者應巡屬縣皆
委上佐行焉○別駕長史司馬掌貳府州之事以紀綱眾
務通判列曹歲終則入奏記○司錄錄事參軍掌付事勻

稽省署抄目糾正非違監守符印若列曹事有異同得以
奏聞功曹司功參軍掌官吏攷課假使選舉祭祀嘉祥道
佛學校表疏書啟醫藥陳設之事凡差使先差州官不充
取縣官率一半已上不充取前資官其上佐錄事參軍縣
令不得充使出境凡州縣及鎮倉督縣博士助教中下州
市令及縣市令嶽瀆祝史並州選各四周而代州鎮倉督
州縣市令
取勳官五品已上及職資九品者若無通取勳官六品已
下倉督取家世重大者為之州市令不得用本市內人縣
市令不得用當縣人博士助教部內無者得於旁州通取
縣錄事通取部內勳官五品已上若無堪任者并佐史通
取六品已下子
及白丁充之 ○倉曹司倉參軍掌公廩度量庖廚倉庫
租賦徵收田園市肆之事每歲據青苗徵稅畝別二升以
為義倉以備凶年將為賑貸先申尚書待報然後分給又

歲豐則出錢加時價而糴之不熟則出粟減時價而糴之
謂之常平倉常與正義倉帳具本利申尚書省戶曹司戶
參軍掌戶籍計帳道路逆旅田疇六畜過取蠲符之事而
剖斷人之訴競凡男女婚姻之合必辨其族姓以舉其違
凡井田利害之宜必止其爭訟以從其順凡官人不得于
部內請射田地及造碾磑與人爭利兵曹司兵參軍掌武
官選舉兵甲器仗門戶管鑰烽候傳驛之事 ○法曹司法
參軍掌律令格式鞫獄定刑督捕盜賊糾逃姦非之事以
究其情偽而制其文法赦從重而罰從輕使人知所避而
遷善遠罪 ○土曹司土參軍掌津梁舟車舍宅百工眾藝
之事啟塞必從其時役使不奪其力通山澤之利以贍貧

人凡州界內有出銅鐵處官不採者聽百姓私採鑄得銅及白蠟官為市取如欲折充課役亦聽之其四邊無間公私不得治鐵治及採銅自餘山川藪澤之利公私共之致致瑰異之貨以備國用是以官無禁利人無稽市凡知山澤有異寶異木及金玉銅鐵彩色雜物處堪供國用者奏聞○
參軍事掌出使○市令丞掌市廛交易禁斥非違之事下有執刀白直典獄佐使各有其職州縣之任備焉

通典唐武德元年改郡為州改太守為刺史加號持節後加號為使持節諸軍事而實無節但頒銅魚符而已天寶元年加州為郡刺史為太守自是州郡史守更相為名其實則一太宗初理天下重親民之任疏督守之名于屏其人善惡必書其下是以州郡無不率理逮貞觀之末升平既久羣士多慕省閣不樂外任其折衝果毅有才力者先

入為中郎將次補郡守其輕也如是武后垂拱二年詔諸州都督刺史宜准京官帶魚長安四年納言李嶠同平章事唐休璟奏曰竊以物議重內官而輕外職凡所出守多因貶累非所以澄風俗安萬民臣請擇材于臺閣省寺之中分典大州其康庶政臣等請輟近侍率先具寮太后乃令書名探之中者當行于是鳳閣侍郎韋嗣立御史大夫楊再思二十人中之皆以本官檢校刺史後二十人中政績可稱者獨常州刺史薛光謙徐州刺史司馬鍾二人而已當時復有為員外刺史者不領州務開元中定天下州府自京都都督及都護府之外以近畿之州同華岐蒲為四輔鄭陝汴絳懷魏為六雄宋亳滑許汝晉洛虢衛相十

州爲十望又有十緊州後入緊者甚多不復具列及有上中下之差都督刺史品卑者借緋魚按武德令三萬戶以上爲上州永徽令二萬戶以上爲上州開元十八年三月勅太平時久戶口曰盛宜以四萬戶以上爲上州二萬五千戶爲中州不滿二萬戶爲下州亦有不滿戶口以別勅爲上州者天寶中通計天下凡上州一百九州中州二十九州下州一百八十九州總三百二十七州是也自至德之後州縣凋弊刺史之任大爲精選諸州始各有兵鎮者刺史皆加團練使故其所責任重矣

謹案唐自武德承隋代之制改郡爲州凡天下之爲郡守者皆以刺史名之天寶初加州爲郡而刺史仍爲太守自此以後刺史太守不常厥稱其以郡著者則稱太守以州著者則稱刺史名殊而實則一耳攷舊唐書地理志所載諸縣以上皆稱爲州蓋據武德初年之制而新唐書地理志則併而稱之曰某州某郡其無郡名者皆注郡缺二字於其下蓋據開元元年之制要其以之領縣而上屬於諸道採訪使則無異也又攷二志所載州郡而外有都有府有都督府都護府及節度使觀察使團練使諸稱其曰都者東都西都北都以京邑所在而言之也其曰府者舊書則曰京兆河南太原新書則曰鳳翔成都河中江陵興元興德以京邑首府故從而尊稱之其散州郡則未有以府稱者然卽此爲後世以

府稱郡之所由始至於都督節度等稱又以府使所治因以著其地域猶今之稱某布政司也唐自京邑稱府而諸州名目又各為列郡總號則如今之各府各直隸州固盡在列郡之中無他區別不容執其所稱為州者而即擬之以直隸州之名惟攷渤海大氏建國之制有十五府以統領諸州其府如今之各府其州如今之各縣而別有郢銅涑三獨奏州不隸於府而直達於其京國則獨奏州者實直隸州之所由昉歟自漢以州刺史領郡縣至隋而易為總管府至唐而改為諸道採訪使自是而州與郡同途既而郡名漸易為府而州又漸為諸府之屬惟不屬於府者始有直隸之稱其沿革相仍

總由唐代而漸變也

五季

文獻通攷五代仍刺史之號

五代會要後唐長興三年四月中書門下奏案十道圖以關內道為上遂以鳳翔為首河中成都江陵興元為次中興初升魏州為興唐府鎮州為真定府皆是創業興王之

地請升二府於五府之上合為七府仍以興唐為首真定鳳翔河中成都江陵興元為次從之謹案唐以藩鎮創業之地升郡為府五代因之而興唐真定二府復為後唐之特設蓋以興王之區特異其制將以殊別於諸郡耳郡曰守府曰尹體制雖殊職掌則

一也

宋

文獻通攷宋太祖革五季之患分命朝臣出守列郡號權
 知軍州事軍謂兵州謂民政焉其後文武官參爲知州軍
 事二品以上及帶中書樞密院宣徽使職事稱判太守掌
 總理郡政宣布條教導民以善而糾其姦慝歲時勸課農
 桑旌別孝悌其賦役錢穀獄訟之事兵民之政皆總焉凡
 法令條制悉意奉行以率所屬有赦宥則以時宣讀而頒
 告於治境舉行祀典察郡吏德義材能而保任之若疲軟
 不任事或姦貪冒法則案劾以聞遇水旱以法賑濟安集
 流亡無使失所若河南應天大名府則兼留守司公事太

原府延安府慶州涇州熙州秦州則兼經略安撫使馬步
 軍都總管定州真定府瀛州大名府京兆府則兼安撫使
 馬步軍都總管瀘州潭州廣州桂州雒州則兼安撫使兵
 馬鈐轄潁昌府青州鄆州許州鄧州則兼安撫使兵馬巡
 檢其餘大蕃府或沿邊州郡或當一道衝要者並兼兵馬
 鈐轄巡檢都監或帶沿邊安撫提轄兵甲沿邊溪峒都巡
 檢餘州軍則否其屬官有無及員數多寡皆視其地望之
 高下與職務之繁簡而置之建炎元年詔河北京東西路
 除帥臣外舊差文臣知州去處許通差武臣一次後詔要
 郡帶本路兵馬鈐轄次要郡帶本路兵馬都監紹興三年

罷元年七月詔要郡文臣帶本路兵馬鈐轄武臣副之次要郡文臣帶本路兵馬都監武臣副之令逐州改正稱

職官表卷五十三 知府直隸州知州等官 廣雅書局

呼至紹興三年臣僚言既與異時沿邊事體不同又於五
今日諸州統制無補徒著名位以成虛文詔並罷之
年令郡守除授罷並令上殿凡從官出知郡者特許不避
本貫詔應守臣以三年爲任六年詔控扼去處守臣並以
三年爲任九年罷

宋史職官志次府牧尹少尹司錄戶曹法曹士曹司理文
學助教牧尹以下所掌並同開封○尹闕則知府事一人
以朝官及刺史以上或諸司使充通判一人以京朝官充
乾德初諸州置通判統治軍州之政事得專達與長史均
禮大藩或置兩員戶少事簡有不置者正刺史以上州知
州雖小亦特置

謹案隋以前未有府之名其以京郡名府者自唐始五

代復因而增之至宋則潛藩之地皆升爲府而府之名
遂眾南北朝以前未有以州稱郡者改郡爲州自隋唐
始其後州郡迭稱至宋而有有郡之州有無郡之州而
州之名遂判於郡自古未有以軍及監名其地自唐中
葉藩鎮自專各立軍號至宋而遂有軍監之目古者州
郡之長皆稱曰牧守刺史其以知府知州知軍監稱者
實自宋始其初分命朝臣出守列郡謂之權知軍州事
開封諸府牧尹不常置置權知府事蓋非其本任特假
朝官以知其事而已其後以文武官參爲知州軍事二
品以上則稱判某府州軍監而諸府皆置知府事州軍
監亦如之自此以後刺史特以爲虛階而郡守之稱皆

曰知府州牧之稱皆曰知州矣攷宋代之所謂知州者皆以州領縣無有為郡所屬之散州而府名雖眾要以為尊崇之特稱則其所謂府尹所謂知州乃正今之知府也但州分上中下之差或以縣升州或以州改縣而軍監之設多與下州相等則今之直隸州未嘗不統括於諸州之中特未有以殊其名耳

文獻通攷宋藝祖懲五代藩鎮之弊乾德初下湖南始置諸州通判命刑部郎中賈玘等充建隆四年詔知府公事

並須長史通判簽議連書方許行下時大郡置兩員西京南京

天雄成德益杭并晉餘置一員州不及萬戶不置廣南小

州有試秩充通判兼知州者正刺史以上及諸司使副知

州者雖小郡亦特置天聖三年中書門下言新授瀋州團練使田敏知陽州自來防團刺史赴

本任及知州無同判處權置同判掌倅貳郡政與長史均

候差朝官及內職知州即行省罷禮凡兵民錢穀戶口賦役獄訟聽斷之事可否裁決與守

通簽所部官有善否及職事修廢得刺舉以聞至景德間

宋興三十四年戶口寢息解州以滿萬戶置通判自是諸

郡多滿萬戶矣宣和二年詔諸州茶鹽香礬並委通判建

炎初諸州通判二員減一員紹興五年以後旋行申請添

置帥府通判並以兩員為額

謹案洪邁容齋隨筆淳化中趙安易官宗正少卿已知

州就徙定州通判羅延吉既知彭邠絳三州而除通判

廣州滕中正知興元府而通判河南袁郭知楚鄆二州

而通判房州范正辭既知戎淄二州而通判棣深又陳若拙歷知單州殿中侍御史西川轉運使召歸會李至守洛乃表為通判久之柴禹錫鎮涇州復表為通判連下遷而皆非貶降此皆宋初權宜位置無例可拘後則不復有也又通攷云宋祖設通判以儒臣臨制之號稱監州官雖郡佐而其人閒有出於朝廷之特命不以官資之崇卑論者其與後來之汎汎以半刺稱者不侔矣據此以見通判一官後之所謂閒職者其在宋時則為州郡最要之任蓋因削藩鎮而重知州之權因重軍州而嚴通判之選其事勢有相因者也

文獻通攷宋沿唐制州有錄事參軍然不盡置也諸府為

司錄諸州為錄事乾興元年丁度申請諸州始各置錄事參軍慶厯二年河西河東陝西諸州權令京官知錄事參軍熙寧三年詔繁難去處錄事參軍並差職官知縣及奏舉縣令人充政和三年尚書省言州建六曹參軍參軍之稱起於行軍之際恐不當襲錄事參軍欲改為司錄奉旨參軍改為掾建炎初復舊名錄事掌州縣庶務糾諸曹稽違乾道中汪大猷申請依司理例不兼他職從之

遼

遼史百官志南面大蕃府官黃龍府知黃龍府事興宗重熙十三年見知黃龍府事耶律烏魯斯蒙古語國也原作歐里斯今改正同知黃龍府事黃龍府判官興中府知興中府事咸雍元

職官表卷五十三 知府直隸州知州等官 廣雅書局

年知興中府事楊績同知興中府事興中府判官南面方
州宮某州刺史某州同知州事耶律圖丹唐古特語全力也原作獨顯今
改重熙中同知金肅軍事某州錄事參軍世宗天祿五年
詔州錄事參軍委政事省差注

謹案遼五京列峙悉為畿甸其方州諸官有府有州而
知州亦稱刺史至刺史外尚設有團練防禦等使其職
守所在止於一州比於今之直隸州知州蓋相近矣

金

金史百官志諸刺史州刺史一員正五品掌同府尹兼治
州事同知一員正七品通判州事判官一員從八品簽判
州事專掌通檢推排簿籍司軍從九品知法一員軍轄兼

巡捕使從九品

司吏女直韓慶信濼通登復濬貴德涿利建州來遠軍各三人餘各二人抄事一

人公使上州五中四十五下四十惟來遠軍同下州省同知凡諸州以上知印並於孔目官內輪差運司押司官並同無孔目官以上諸防刺州司候司司候一員正九品
各司吏充司縣同此

司判一員從九品

司吏公使七人然亦驗戶口置諸司獄司司獄一員正

九品提控獄囚

司吏一人公使二人典獄二人防守獄囚門禁啟閉之事獄子防守罪囚者諸

倉使正八品副使正九品

掌倉廩畜積受納租稅支給祿廩之事

元

元史百官志總管府司獄司司獄一員丞一員府倉大使
一員副使一員稅務提領一員大使副使各一員錄事司
秩正八品凡路府所治置一司以掌城中戶民之事中統

二年詔驗民戶定爲員數二千戶以上設錄事司候判官
各一員二千戶以下省判官不置至元二十年置達嚕噶
齊解見戶部篇一員省司候以判官兼捕盜之事典史一員若
城市民少則不置司歸之倚郭縣在兩京則爲警巡院獨
杭州置四司後省爲左右兩司○散府秩正四品達嚕噶
齊一員知府或府尹一員領勸農與魯與路同同知一員
判官一員推官一員知事一員提控案牘一員所在有隸
諸路及宣慰司行省者有直隸省部者有統州縣者有不
通縣者其制各有差等○諸州中統五年併立州縣未有
差等至元三年定一萬五千戶之上者爲上州六千戶之
上者爲中州六千戶之下者爲下州江南既平二十年又
定其地五萬戶之上者爲上州三萬戶之上者爲中州不
及三萬戶者爲下州於是陞縣爲州者四十有四縣戶雖
多附路府者不改上州達嚕噶齊州尹秩從四品同知秩
正六品判官秩正七品中州達嚕噶齊知州並正五品同
知從六品判官正八品兼捕盜之事參佐官上州知事提
控案牘各一員中州吏目提控案牘各一員下州吏目一
員或二員

謹案元制總管府之下有錄事司如今各直省之首府
有散府與今各府相近而所隸各異其隸各路行省者
制與今同其直隸省部者則不與今同也元諸州亦有
領縣不領縣之分然地理志所載卽不領縣之州亦得

與諸散府並列以直達於各路惟腹裏諸路則以路領府以府領州而州又自領縣其制與今各府所領之州又不甚相合也

明

明史職官志府知府一人正四品同知正五品通判無定員正六品

推官一人正七品其屬經歷司經歷一人正八品知事一人

正九品照磨所照磨一人從九品檢校一人司獄司司獄一人

○知府掌一府之政宣風化平獄訟均賦役以教養百姓每三歲察屬吏之賢否上下其政以達於省上吏部凡朝賀弔祭視布政使司直隸府得專達凡詔赦例令勘劄至謹受之下所屬奉行所屬之政皆受約束於府劑量輕重

而令之大者白於撫按布按議允乃行凡賓興科貢提調

學校修明祀典之事咸掌之若籍帳軍匠驛遞馬牧盜賊

倉庫河渠溝防道路之事雖有專官皆總領而稽覈之同

知通判分掌清軍巡捕管糧治農水利屯田牧馬等事無

常職各府所掌不同如延安延綏同知又兼牧民餘不盡載無定員邊府同知有增至六七員者

推官理刑名贊計典各府推官洪武三年始設經歷照磨檢校受發上

下文移磨勘六房卷宗明初改諸路為府洪武六年分天

下府三等糧二十萬石以上為上府知府秩從三品二十

萬石以下為中府知府正四品十萬石以下為下府知府

從四品已並為正四品七年減北方府州縣官三百八人

十三年選國子學生二十四人為府州縣官六月罷各府

照磨二十七年復置自宣德三年棄交阯布政司計天下

府凡一百五十有九○茶馬司大使一人正九品副使一人

從九品掌市馬之事洪武中置洮州秦州河州三茶馬司設

司令司丞十五年改設大使副使各一人尋罷洮州茶馬

司以河州茶馬司兼領之三十年改秦州茶馬司為西寧

茶馬司又洪武中置四川永寧茶馬司後革復置雅州碶

門茶馬司又於廣西置慶遠裕民司洪武七年置設大使一人從八品副使一人

正九品市八番溪峒之馬後亦革○稅庫司府曰大使一人

從九品典稅事凡商賈僦屠雜市皆有常征以時權而輸其

直於府凡民買田宅必操契券請印乃得收戶則征其直

百之三明初改在京官店為宣課司府州官店為通課司

後改通課司為稅課司局○倉大使一人府從九品副使一人

○批驗所大使一人副使一人掌驗茶鹽引○又直隸州

知州一人從五品同知從六品判官無定員從七品里不及三十而無屬縣裁同

知判官有屬縣裁同知其屬吏目一人凡州有直隸州視府而品秩

則同同知判官俱視其州事之繁簡以供厥職

謹案知府直隸州知州之職至明代而始定其僚佐首

領各因事之繁簡而置員所以總領各州縣之政治以

聽於兩司及督撫實為方面要職歷稽往代郡國之政

績兩漢循吏多見稱於史傳其時郡守之職重監司之

秩輕為二千石者得以便宜展布而璽書慰勞增秩賜

金其優異者或入為公卿所以獎厲之者甚至此治郡

之所以多著聞也魏晉以後郡守多帶將軍持節不專以化導齊民爲職而州牧刺史都督之權益重故郡職多不克以自効唐初重親民之官書名屏風記其善惡而郡政無不就理其後內職重外任輕凡在郡守多以京僚貶黜者爲之後此更用武人大都不諳治理州郡失職而藩鎮得以專恣矣宋代用朝臣知府州軍監以削黜列鎮之權其出知州軍者多有名臣重望著效卓然爲一代偉績而其後文武兼差兵馬鈐轄安撫提轄諸職率兼領之則亦未遑專心於民政也明初甚重府州之治天下州縣官廉能正直者必遣行人齎敕勞賜以示勸勵迨中葉以後督撫巡按藩臬指揮之臨其上者既不免於股剝之日繁而銓選率由資格庸懦無能者轉視爲持祿養拙之藪而良二千石之風遂不可復問矣我

朝澄清吏治首重親民之任以府州爲諸縣統率九隆其選視缺之繁簡劇易或請

旨除授或由督撫奏調或由部銓選內則由部員簡放外則由州縣著績最優者

記名擢用條格極其周備諸府授任之初得蒙

召對訓示周詳俾守土者得以稟承而宣布之又

特命書名殿展以時省覽而察其殿最所以淬厲之者靡所不至是以吏績官方遠軼前古夫豈漢唐之所得幾及

萬一哉

欽定歷代職官表卷五十三

太倉錢清貽初校
南海羅崇齡覆校
番禺陶福祥再覆校

欽定歷代職官表卷五十四

知州知縣等官表

同	州	州	知	
				<small>州長</small> 三 秦 漢
				後 三 國 晉
				<small>宋 齊 梁 陳</small> 北 魏
				北 齊
				後 隋 唐
				五 季 宋
				<small>知州</small> 遼 金
				<small>州刺史 遼 嚙 嚙 知州</small> 元 明
				<small>州同知 州同知 州同知</small>

職官表卷五十四

知州知縣等官表

廣雅書局

江西湖南四川雲南各一人陝西貴州各二人湖北四人廣西
 十人州判從七品順天府三人直隸七人江蘇甘肅湖南四川各
 二人山東河南廣西各五人陝西浙江江西各一人湖北廣東
 雲南各四人貴州三人州吏目從九品順天府五人奉天府四人
 直隸十三人江蘇安徽湖南各三人山東九人山西陝西各五
 人河南六人甘肅七人浙江江西各一人湖北廣東各七人廣
 西二十一人四川十一人雲南二十七人貴州十四人各州巡
 檢從九品順天府一人奉天府一人直隸四川各五人江蘇廣西
 雲南各七人安徽六人山東四人山西江西各三人河南浙江
 各一人湖北廣東各十三人湖南貴州各三人各州驛丞未入流
 順天府一人河南陝西貴州各一人四川一人各州庫大使未入流

流順天府一人各州閫官未入流順天府一人江蘇二人山東三
 人

州同州判分掌各州糧馬巡捕之事吏目掌輔理各州之
 刑禁巡檢以下各因所屬分地而掌其職事

國初每州置州同州判各官因事之繁簡無定員惟吏目每
 州一人嗣後因時裁設凡縣之升為州者並置各屬員如
 今制焉

各縣知縣正七品順天府十九人奉天府八人直隸一百五人江
 蘇六十二人安徽五十人山東九十五人山西八十八人河南
 九十四人陝西七十三人甘肅五十二人浙江七十六人福建
 六十二人江西七十五人湖北六十八人湖南六十四人廣東八

十一人廣西四十九人四川一百一十一人雲南三十九人貴州三十四人

掌一縣之政令平賦役聽治訟興教化厲風俗凡養老祀神貢士讀法皆躬親厥職而勤理之

國初每縣置知縣一人嗣後因地增設或屬於府或屬於直隸州繁要則升為州其州之簡者亦改為縣各因時裁置而定其員額焉

各縣縣丞正八品順天府三人直隸十八人江蘇五十九人安徽十七人山東三十五人山西五人河南三十三人陝西十五人甘肅廣西各六人浙江四十六人福建二十九人江西五十五人湖北二十二人湖南十三人廣東二十人四川二十一人雲

南四人貴州七人各縣主簿正九品順天府二人直隸五人江蘇

三十七人安徽陝西甘肅各三人山東河南各十三人山西福

建湖北湖南廣東廣西各一人浙江十一人江西二人各縣巡

檢從九品順天府四人奉天府三人直隸四十一人江蘇八十五

人安徽五十三人山東二十人山西三十三人河南十五人陝

西十三人甘肅七人浙江四十人福建六十六人江西八十八

人湖北六十八人湖南六十五人廣東一百二十九人廣西六

十人四川九十五人雲南十六人貴州四人典史未入流順天府

十五人各直省員數與知縣同各縣驛丞未入流順天府一人直

隸九人山西河南陝西各六人甘肅江西二人四川一人浙江

四人各縣閘官未入流江蘇十一人山東十四人各縣稅課大使

未入流

江蘇二人浙江三人各縣河泊所官

未入流

廣東二人

縣丞主簿分掌糧馬征稅戶籍巡捕之事以佐其縣典史
掌監察獄囚如無丞簿則兼領之巡檢掌緝捕盜賊盤詰
奸偽凡州縣關津要害並設之驛丞典郵傳迎送開官掌
漕洩啟閉事稅課大使典商稅之事河泊所官掌收魚稅
國初每縣置縣丞各官因事多寡無定員惟典史每縣一人
嗣後因時裁設并因各縣之升改分併而定其員額焉

歷代建置

謹案今之州縣三代為州長邑宰秦漢以來為令長其
職重矣稽厥稱名之始惟諸州之制於古無聞唐虞之
十二州夏周之九州漢以後之州刺史皆以州統國與

郡與今之州不同即隋唐之罷郡置州宋之以朝臣權
知州事皆以州領縣如今之各直隸州與屬府之州亦
不同惟金代始有以府統州者其州多不領縣則遂與
諸縣同列元代始升縣為州下州不及三萬戶而上縣
有在三萬戶以上則直隸州與各州以漸而分明遂因
之以州隸府而州與縣並稱矣溯之於古惟成周六鄉
之州正與今職頗同但止在王畿百里之內蓋亦稱名
之偶合耳知州之名由宋始其分職則自金元明以來
故前代州牧州刺史諸稱不容混列於表也縣令之制
自古不易周官之縣正春秋時之邑宰大夫既肇其職
秦漢以後大者曰令小者曰長其封為侯國者則置相

以治事州郡之名時有變革而縣則數十年未之有易也唯是知縣之名起於宋其初本非縣令而以他官知其縣事其後沿襲不改至明則自府州縣皆以知稱要其爲令長之職則一也州屬以同判稱者初制州本如郡故雖屬下散州而仍同郡佐之名縣之丞簿尉自漢晉以來有之至明始罷尉而置典史其餘如巡檢驛丞諸職分列於州縣之屬境者則亦州縣之屬也我朝監古定制環海之內悉建州縣吏職所治迥非前代可及謹歷攷自古州縣之所由名者撮敘大略以明建置沿革之故而其詳則具著於後云

三代

周禮地官州長每州中大夫一人各掌其州之教治政令之灋正月之吉各屬其州之民而讀灋以攷其德行道藝而勸之以糾其過惡而戒之若以歲時祭祀州社則屬其民而讀灋亦如之春秋以禮會民而射於州序凡州之大祭祀大喪皆蒞其事若國作民而師田行役之事則帥而致之掌其戒令與其賞罰歲終則會其州之政令正歲則讀教灋如初三年大比則大攷州里以贊鄉大夫廢興謹案今州縣之地皆三代侯國而其長吏實爲邑宰之職其列國郡侯牧長師儒與夫分地五百里至一百里之制已見知府篇茲不具述惟成周州長爲六鄉之吏上有鄉師鄉大夫下有黨正族師閭胥比長所謂五黨

爲州五州爲鄉也州爲鄉之屬別而州長以下亦皆舉里中之賢者而出使長之與今之知州頗不相類第三代興賢之典其入官者半出鄉舉里選故士之有才守者皆得効職顯能於本土卽兩漢三互法行而二千石長吏尙皆自辟曹掾多取諸管屬之賢亦猶周家之遺意也州長在王畿百里之內爲治地親民之官是固今日知州之所自始矣至於虞有十二州牧夏周有九州牧則皆總領諸侯之國與今督撫相類後世州牧雖仍其名而迴非其職故不復次列云

周禮地官縣正每縣下大夫一人各掌其縣之政令徵比以頒田里以分職事掌其治訟趨其稼事而賞罰之若將用野民師田行役移執事則帥而至治其政令旣役則稽功會事而誅賞

謹案縣正爲六遂之官猶鄉之州長如作民而師田行役掌其政令與其賞罰職守皆同至月吉與春秋社祭之讀法攷行及春秋州序之禮射爲縣正所無當亦詳略互見其爲治地之官則均也周制諸侯之國各有治都治邑之宰而侯國之小者僅如今之一縣唯畿內不以分國而鄉遂大夫所蒞之屬皆有爲邑之名在邦甸則謂之公邑在家稍則謂之家邑在都則謂之都邑是固今日縣令之所從始也至縣師主土地人民之數以徵野之賦貢則爲王朝統領之官與分地者不同縣土

掌野之戒令獄訟則專以治獄為主合之而縣令之職始備矣鄭司農謂四百里曰縣者蓋以甸稍縣都遞而析之謂縣在王畿四百里之內非謂一縣輒有地四百里也周禮小司徒四甸爲縣遂人五鄙爲縣而左氏春秋外傳又有三鄉爲縣之文蓋周時縣制略見於此左氏宣十一年傳楚子入陳因縣陳申叔時諫乃復封陳鄉取一人焉以歸謂之夏州是則後日州縣之多皆因時增置是又秦制郡縣之所由始也又周官有修閭氏候人倉人澤虞等官蓋卽後世巡檢驛丞倉庫大使河泊所諸官之託始惟成周時諸官隸屬六卿不盡領於州縣故不復詳著云

杜佑通典春秋時列國相滅多以其地爲縣則縣大而郡小故傳云上大夫受縣下大夫受郡周書作雒篇曰千縣里百縣縣有四郡邑之長曰宰曰尹曰公曰大夫晉謂之大夫魯衛謂之宰楚謂之公尹其職一也孔子爲中都宰一年四方則之由中都宰爲司空至於戰國則郡大而縣小矣故甘茂謂秦武王曰宜陽大縣名曰縣其實郡也

秦

漢書地理志秦兼并四海不立尺土之封分天下以爲郡縣

漢書百官公卿表縣令長皆秦官皆有丞尉

漢

漢書百官公卿表縣令長掌治其縣萬戶以上爲令秩千

石至六百石減萬戶爲長秩五百石至三百石皆有丞尉秩四百石至二百石是爲長吏百石以下有斗食佐史之秩是爲小吏大率十里一亭亭有長十亭一鄉鄉有三老有秩嗇夫游徼三老掌教化嗇夫職聽訟收賦稅游徼徼循禁賊盜縣大率方百里其民稠則減稀則曠鄉亭亦如之皆秦制也列侯所食縣曰國皇太后皇后公主所食曰邑有蠻夷曰道凡吏秩比六百石以上皆銅印墨綬

謹案後漢書注胡廣云秋冬歲盡各計縣戶口墾田錢穀入出盜賊多少上集簿丞尉以下歲詣郡課校其功功多尤爲最者於庭慰勞勉之以勸其後負多尤爲殿者於後曹對責以糾怠慢據此可見漢縣令以下殿最

之法而其官制亦可攷見云

後漢書百官志每縣邑道大者置令一人千石其次置長四百石小者置長三百石侯國之相秩次亦如之本注曰皆掌治民顯善勸義禁姦罰惡理訟平賊恤民時務秋冬集課上計於所屬郡國丞各一人尉大縣二人小縣一人本注曰丞署文書典知倉獄尉主盜賊凡有賊發主名不立則推索行尋案察姦宄以起端緒各署諸曹掾史本注曰諸曹略如郡員五官爲廷掾監鄉部春夏爲勸農掾秋冬爲制度掾

謹案應劭漢官儀曰前書百官表云萬戶以上爲令萬戶以下爲長三邊始孝武所開縣戶數百而或爲令荆

揚江南七郡惟有臨湘南昌吳三令爾及南陽穰中土沃民稠四五萬戶而為長桓帝時以江南陽安為女公主邑改號為令主薨復其故此令長大小之殊又未可以表為斷也蓋表因初制綜其大概言之其因時變遷固非一定耳

馬端臨文獻通攷後漢凡郡縣出鹽多者置鹽官有工多者置工官主稅物有水池及漁利多者置水官主平水收漁稅所在諸縣均差吏更給之署吏隨事不具縣員

案此為後

世稅課河泊置官之始

謹案各縣之制成周時已有之至諸侯相滅其縣漸多秦因其舊制郡以統之漢代相因而不改惟諸州之設

則唐宋以後以縣之六者升而置之其制盡如縣而皆領於府漢代所未有也攷兩漢地理郡國志皆以郡統縣無統州者即如前漢益州巴郡之有江州并州雁門郡之有武州幽州漁陽郡之有泉州後漢益州廣漢郡之有雒州涼州漢陽郡之有隴州北地郡之有靈州似為以州並縣之始然攷其所領則皆稱曰縣蓋第云江州縣武州縣而不單以州名其長亦第曰令而不以牧名也其時州刺史州牧為分部統領之重任後世雖假承其名而漢代則未有相假者唯縣令丞尉為自古以來不易之官制耳

三國

謹案三國志無百官地理之志縣令佐之興廢不可攷
然大略盡因漢制攷魏志鄭渾傳太祖召爲掾遷下蔡
長邵陵令據此則三國令長之稱猶沿漢制而未嘗改
也其由長而令則以縣之有小大故增秩而迭遷耳

晉

〔晉書職官志〕縣大者置令小者置長有主簿錄事史主記
室史門下書佐幹游徽議生循行功曹史小史廷掾功曹
史小史書佐幹戶曹掾史幹法曹門幹金倉賊曹掾史兵
曹史吏曹史獄小史獄門亭長都亭長賊捕掾等員戶不
滿三百以下職吏十八人散吏四人三百以上職吏二十
八人散吏六人五百以上職吏四十八人散吏八人千以上

職吏五十三人散吏十二人千五百以上職吏六十八人
散吏一十八人三千以上職吏八十八人散吏二十六人
縣皆置方略吏四人洛陽縣置六部尉江左以後建康亦
置六部尉餘大縣置二人次縣小縣各一人

〔文獻通攷〕晉制大縣令有治績官報以大郡不經宰縣不
得入爲臺郎

謹案晉制縣有令長與漢代不異惟縣之屬吏則增設
益眾其所謂職吏散吏方略吏蓋如今之諸科房吏典
以庶人在官者充之而額數眾多逾於前代矣今有治
績報以大郡則如今日由簡調繁之制也

宋齊梁陳

宋書百官志縣令千石至六百石長五百石

南齊書百官志縣令相郡縣為國者為內史相

謹案晉宋以後令長國相皆如漢制其所謂內史者以郡之為國而置其所謂相者以縣之為國而置之也縣既封為侯伯子男之國別置相以治民其佐屬諸員與縣異稱而職守則一故齊書總以縣令相稱之也

隋書百官志梁制縣為國曰相大縣為令小縣為長皆置丞尉郡縣置吏亦各準州法以大小而制員郡縣吏有書僮有武吏有迎新送故等員亦各因其大小而置焉○陳承梁皆因其制官五千戶以上縣令相品第八不滿五千戶以下縣令相品第九

謹案五代之制以縣之大小分令長之品秩蓋規倣漢法也至同一為令而有千石至六百石之分同一令長而有五千戶上下之別其差等較漢代為尤析矣固亦因地制宜之法也

北魏

魏書官氏志皇始元年令長以下有未備者隨而置之縣置三令長用八品者世宗班行職令上縣令相第六品中縣令相第七品下縣令相第八品

北齊

文獻通攷北齊制縣為上中下三等每等又有上中下之差自上上縣至下下縣凡九等然猶因循後魏用人濫雜

職官表卷五十四

知州知縣等官

三

廣雅書局采

至於士流恥居之元文遙遂奏於武成帝請革之乃密令搜揚世胄子弟恐其辭訴總召集神武門宣旨慰諭而遣自此縣令始以士人爲之

謹案自古重令長之選者莫如漢故郎官出宰百里天子不輕以授人至晉而有不經宰縣不得入爲臺郎之制亦以示矜重也齊承後魏濫雜之餘召集世胄子弟宣旨勞遣而縣職始重然概云世胄未察賢能亦非任官之良法也

後周

通典牧守令長非通六條及計帳者不得居官

案蘇綽六略已見司道卷中茲不具錄

周書盧辯傳戶七千以上縣令五命戶四千以上縣令正四命戶二千以上縣令四命戶五百以上縣令正三命戶不滿五百以下縣令二命

謹案漢制縣方百里萬戶以上曰令萬戶以下曰長又有四五萬戶而亦名爲長者至後周則七千戶以上令長卽爲七命其二命之令戶不滿五百以下是縣令所治僅如一鄉一亭之比矣蓋周齊戰爭之餘境土促狹戶口凋弊而致然也

隋

通典隋刺史縣令三年一遷開皇十四年改九等州縣爲上中下凡三等

職官表卷五十四 知州知縣等官

廣雅書局

隋書百官志上上縣令屬官有丞中正光迎功曹光迎主簿功曹主簿錄事及西曹戶曹金曹租曹兵曹等掾市長等員合屬官佐史五十四人上中縣減上上縣五人上下縣減上中縣五人中上縣減上下縣六人中中縣減中上縣五人中下縣減中中縣一人上下縣減中下縣一人中縣減下上縣一人下下縣減下中縣一人
謹案縣佐之多寡視縣之繁簡而遞設之自晉代已然矣隋志稱上上縣至下下縣凡九等而通典云改為三等蓋志之所稱固其未定之制然也

唐

舊唐書職官志諸州上縣令一人從六品上丞一人從八品下主簿

一人正九品下尉二人從九品上錄事二人司戶司法倉督二人典獄十人中縣令一人正七品上丞一人從八品下主簿一人從九品上尉

一人從九品下錄事一人司戶司法倉督一人典獄八人中下縣令一人從七品上丞一人正九品上主簿一人從九品下尉一人從九品下

錄事一人司戶司法各一人典獄六人下縣令一人從七品下丞一人正九品下主簿一人從九品上尉一人從九品下錄事一人司戶

司法各一人典獄六人諸縣令之職掌導揚風化撫字黎

毗敦四人之業崇五土之利養鰥寡恤孤窮審察冤屈躬親獄訟務知百姓之疾苦

唐書百官志上關令一人從八品下丞二人正九品下中關令一人正九品下丞一人從九品下下關令一人亦從

九品下掌禁未遊察姦慝凡行人車馬出入據過所爲往來之節凡關有驛道者爲上關無驛道者爲中關餘爲下關丞掌付事勾稽監印省署鈔目通判關事上津置尉一人掌舟梁之事下津尉一人永徽中廢津尉上關置津吏八人永泰初中關置津吏六人下關四人無津者不置

謹案唐縣有赤畿望緊上中下七等之差京縣爲赤京之旁邑爲畿其餘則以戶口多少資地美惡爲差而職官志所載則僅分上縣中縣中下縣下縣四等而已至三十里置一驛其非通途大道則曰館驛各有將以州里富彊之家主之以待行李自至德之後民不堪命遂以官司掌焉凡天下水陸驛一千五百八十七處此實

縣置驛丞之始也又唐雖改郡爲州而未有以郡領州者今知州之職在唐時則皆爲縣令也

五季

五代會要後唐同光二年中書門下奏刺史縣令有政績尤異爲眾所知者卽仰本處聞奏當議獎擢其州縣官任滿三攷卽具關申送吏部候敕除銓注周廣順二年八月敕今後刺史縣令顯有政能觀察使審詳事狀聞奏朝廷當議獎擢

謹案五代任官凡齷齪無能者始注爲縣令故天下之邑率皆不治然觀唐周獎勵州縣之敕亦未嘗不以縣事爲惓惓特其時戎馬倥傯於吏治有所不暇雖欲整

率之而不能耳其設官之制蓋循唐代無甚變改也

宋

宋史職官志建隆元年令天下諸縣除赤畿外有望緊上中下文獻通攷四千戶為望三千戶以上為緊二千戶以上為上千戶以上為中不滿千戶為中下五百戶以下為下也掌總治民政勸課農桑平決獄訟凡戶口賦役錢穀賑濟給納之事皆掌之有孝悌行義聞於鄉閭者申州激勸以勵風俗若京朝幕官則為知縣事有戎兵則兼兵馬都監或監押

謹案縣令之職自古至今相仍不改而知縣之名實始於宋時知縣者非縣令而使之知縣中之事杜氏通典所謂檢校試攝判知之官是也唐貞元以來已有權知

縣令之稱

白居易集有裴克諒權知華陰縣令制

至宋初欲重縣令之任

始以朝官為知縣其間或參用京官及幕職官為之于慎行筆塵云宋時大縣四千戶以上以朝官知小縣三千戶以下選京官知故知縣與縣令不同以京朝官之銜知某縣事非縣令也逮後罷令專設知縣而知縣乃為縣令之專名故謹攷其設名之所由昉者以志沿革至宋時初卽有知州之名其義與知縣同而所知之州則盡如今之直隸州與明代之以州縣並列者不同故宋以前知州及其僚屬皆並缺之不列於表焉

文獻通攷天聖間天下多缺官而今選尤猥下久不得調乃為縣令人數言其病民乃詔為舉法以重令選凡知州

職官表卷五十四

知州知縣等官

七

廣雅書局

轉運使歲舉堪爲令者一人或二人自是人重爲令令選稍清慶厯間詔天下知縣非鞫獄毋得差政和二年詔縣令以十二事勸課農桑一曰敦本業二曰興地利三曰戒游手四曰謹時候五曰戒苟簡六曰厚蓄積七曰備水旱八曰戒宰牛九曰置農器十曰廣栽植十一曰恤苗戶十二曰無妄訟自政和以來人皆重內輕外士大夫皆輕縣令之選吏部兩選不注者甚多然後議所以增重激勸之法宣和五年縣令止差六十以下人靖康初詔初改官必爲縣紹興七年詔將寺監丞簿等任滿已改官人未歷民事者各與堂除知縣一次並備緋章服九年詔吏部自後縣令差文臣乾道元年詔京官知縣以二年爲任雖屢有更革卒以三年爲任二年御筆今後非兩任縣令不除監察御史初改官人必作

令謂之須入紹興初數申嚴之後或廢孝宗在位持之甚嚴慶元初復詔除殿試上三名省元外並作邑五年又令試大理評事官已改官未歷縣人並親民一次著爲令舊捕盜改官人並試邑自後雖宰相子殿試科甲人無不宰邑者矣

宋史職官志縣丞初不置天聖中開封兩縣始各置丞一員在簿尉之上熙寧四年繁劇縣令戶二萬已上增置縣丞一員崇寧二年宰臣請縣並置丞一員以掌其事建炎元年詔縣丞係嘉祐以前員闕并萬戶處存畱一員餘並罷紹興三年以淮東累經兵火權罷縣丞十八年置海陵丞一員嘉定後小邑不置丞以簿兼○主簿開寶三年詔

職官考卷五十四
諸縣千戶以上置令簿尉四百戶以上置令尉令知主簿事四百戶以下置簿尉主簿兼知縣事咸平四年川峽縣五千戶以上並置簿自後川蜀及江南諸縣多置主簿○尉建隆三年每縣始復置尉一員在主簿下俸賜並同掌閱習弓手戢姦禁暴凡縣不置簿則尉兼之
謹案縣佐之設在漢曰丞簿尉自晉至唐其名實繁皆所以分理一縣之事也至宋而仍復丞簿尉之職其建置分併詳見於職官志蓋佐貳雖微皆有親民之責故悉著之以誌其職掌焉

遼

遼史百官志遼五京列峙二百餘年城郭相望田野益闢

冠以節度分以刺史縣令大略採用唐制不能州者謂之軍不能縣者謂之城不能城者謂之堡其設官則未詳云
王圻續文獻通攷遼五京諸州屬縣各有縣令縣丞主簿尉

謹案遼制令丞簿尉與宋同其諸縣之外別有城堡之屬攷唐書地理志諸邊縣之外多有城鎮寨堡諸名或為鎮將或為守捉不隸屬於縣令遼之所建蓋猶唐制其官名則無可攷耳

金

續文獻通攷金州名不同設防禦者謂之防禦州設刺史者謂之刺史州

職官考卷五十四
知州知縣等官
七
廣雅書局采

職官表卷五十四
金史百官志諸縣令一員從七品丞一員正九品主簿一員正九品尉一員正九品凡縣二萬五千戶以上爲次赤爲劇二萬以上爲次劇在諸京倚郭者曰京縣自京縣而下以萬戶以上爲上三千戶以上爲中不滿三千爲下中縣而下置丞以主簿與尉通領巡捕事下縣則不置尉以主簿兼之○西南都巡檢一員正七品良鄉縣置司分管良鄉宛平安次永清縣并涿易州界盜賊事諸州都巡檢使各一員正七品副都巡檢使各一員正八品散巡檢正九品內泗州以管勾排岸兼之皆設副巡檢一員爲之佐謹案金以刺史治州猶今之直隸州知州也史稱州刺史掌同府尹與今之屬州顯然不同故不復著縣令之

設與唐宋不異而巡檢一職視前代爲尤詳矣金縣有

置穆昆

解見理藩院篇

者隸於明安

解見理藩院篇

之下職從五品掌

撫輯軍戶訓練武藝惟不管常平倉餘同縣令是縣之外又別有穆昆之官蓋如今之八旗佐領已別著於八旗都統表內又世宗大定間詔年老之人毋注縣令其佐亦擇壯者參用二十年更定銓注縣令丞簿格又命應部除官嘗以罪罷而再敘者遣使按其治迹如有善政方許授以縣令無治狀者不論任數多少並不得授此可以見金代慎重縣令之制云

元

元史百官志諸州中統五年併立州縣未有差等至元三

職官表卷五十四

知州知縣等官

二

廣雅書局

年定一萬五千戶之上者爲上州六千戶之上者爲中州
六千戶之下者爲下州江南既平二十年又定其地五萬
戶之上者爲上州三萬戶之上者爲中州不及三萬戶者
爲下州於是陞縣爲州者四十有四上州達嚕噶齊解見戶部
篇州尹秩從四品同知秩正六品判官秩正七品中州達
嚕噶齊知州並正五品同知從六品判官從七品下州達
嚕噶齊知州並從五品同知正七品判官正八品兼捕盜
之事諸縣至元三年合併江北州縣六千戶之上者爲上
縣二千戶之上者爲中縣不及二千戶者爲下縣二十年
又定江淮以南三萬戶之上者爲上縣一萬戶之上者爲
中縣一萬戶之下者爲下縣上縣秩從六品達嚕噶齊一

員尹一員丞一員簿一員尉一員典史二員中縣秩正七
品不置丞餘悉如上縣之制下縣秩從七品置官如中縣
民少事簡之地則以簿兼尉後又別置尉尉主捕盜之事
別有印典史一員巡檢司秩九品巡檢一員

謹案元州縣之制分路府州縣四等以路領州以州領
縣而腹裏則以路領府以府領州以州領縣是諸州之
設皆在縣上然攷元史地理志諸路州之領縣者既與
錄事司之諸縣並列其號爲州而不領縣者攷其地域
卽後日之一縣而亦與府州並列蓋直隸州與諸州參
雜而不分與明代府州縣之制雖不盡相同而屬州之
制固自元始也至元中以縣陞州者四十有四既爲明

代諸州定制之所由始而州縣並以尹名兼設達嚕噶齊一員元明同異之制可以參攷焉

明

〔續文獻通攷〕明不設州刺史而州附於府置知州同知判官等員里不及三十而無屬縣者裁同知判官或由事添設無定員其屬吏目一人知州掌教養州民之事凡諸州務上視府下視縣以月計上府歲計上省以三歲之計上吏部同知清軍匠或兼巡捕判官督糧官馬捕盜治農管河分職任事而領於知州吏目典出納文移或分領州事諸所屬衙門如府者職亦如之○明太祖初定縣三等賦十萬石以下爲上縣知縣從六品六萬石以下爲中縣正

七品三萬石以下爲下縣從七品已而並改正七品京縣正六品所屬衙門有巡檢司稅課局驛遞河泊所倉草場者設官如州知縣掌教養縣民之事凡歲貢學生三歲貢士歲攢實徵十歲造黃冊民之賦役視丁與產必調劑而均節之獄訟必詢其情理攷諸律例而決之有不伏請陳於上爲雪理焉凡養老祀神表善賑饑卹窮通貨之事時省而敦行之凡山海澤藪之產資國用者按籍而登焉諸所屬衙門如州者職亦如之庶人在官者縣亦如州

〔明史職官志〕洪武元年徵天下賢才爲州縣職敕命厚賜以勵其廉恥又敕諭之至於再三十七年定州縣條例八事頒示天下永爲遵守是時天下州縣官廉能正直者必

遣行人齎敕往勞增秩賜金仁宣之際猶然英憲而下日罕自後益重內輕外此風絕矣○洪武二年以廣西地接猺獞始於關隘衝要之處設巡檢司以警奸盜後遂增置各處十三年二月特賜敕諭之尋改爲雜職○稅課局大使明初改在京官店爲宣課司州縣官店爲通課司後改爲稅課局○河泊所官洪武十五年定天下河泊所凡二百五十二歲課糧五千石以上至萬石者設官三人千石以上設二人三百石以上設一人

謹案牧民之官其與百姓最親者莫過於州縣自蒞政理財勸農興學均土田簡夫役平獄訟興教化諸大政所關無不自州縣始者攷漢書循吏傳言守而不及令蓋舉其大者稱之然其時如魏相之令茂陵焦延壽之令小黃卓茂之令密王渙之令洛陽治績最爲著聞而郎官出宰百里刺史不得輕辱黃綬所以重其選者亦爲甚至此漢室循良所由獨盛也令長之制歷代不改至南北朝時用人濫雜搢紳之流恥居其任五代任官凡齷齪無能者始任爲縣令天下之邑率皆不治而其弊甚矣唐明皇納張九齡之言非歷縣令不得入爲臺郎宋初慎選朝官出知州縣之事孝宗時定制縣令以三年爲任非經兩任不得除監察御史說者謂開元乾道之吏治所以獨高於近代者以此也明初定天下縣爲三等其有巡檢司稅課局驛遞間壩等職事者設官

如州廣徵天下賢才爲州縣之職救命厚賜以勵其廉
恥意非不善也中葉而後重內輕外益不以州縣爲意
銓選之法弊而吏職多不得其人放課之政弛而浮濫
闕冗皆得以冒居其列字人之職益輕而簿書錢穀之
寄遂盡歸於胥吏之手其僚佐各官有虛名而無實效
甚至敝法營私無所顧忌而吏治益不可問矣我

朝整飭官方首重吏職州縣授任之初必先由部引

見以簡其才否其在任者閱俸五年以上始許題升三年以
上始許題調涖任三年政績卓著者保題注冊又閱三
年始加銜注冊卽用閒有因事引

對書名存記

大四百四十六

特用爲同知知府以示鼓勵而才猷卓越者或用至督撫所
以激揚之者備至其有曠職者督撫劾奏立從黜退以
收鋤莠扶良之效洵乎慎重民牧永垂萬世之良法矣
又案設官分職詳於周禮周禮醫師巫祝馮相保章等
官皆王朝之官而侯國之制無聞傳曰天子有日官諸
侯有日御而魯之卜士晉之卜人秦之太醫令亦往往
見於傳記則當時列國之官當亦視王朝而舉其職矣
漢紀代王有卜人史記濟北有太醫齊有侍醫知漢諸
侯王國皆擇習醫術長於陰陽者分授以官而當時郡
縣錯在諸國間故太守令長之屬不更設陰陽醫學若
後世建侯已異漢制而此諸官者復不設諸郡縣則衛

職官表卷五十四

知州知縣等官

三

廣雅書局

職官表卷五十四
民之道殊爲有闕攷府州設醫學博士至唐始備其制而後世因之魏書始有釋老之志而北齊之昭元寺置大統諸員以管諸州縣沙門曹則州縣之僧官實始於此後周數及恪守規律者上諸巡撫咨部給劄與牒蓋卽庶人在官之類與品官不同故卽附諸府州縣官之後不著於表而論之如此

置司寂司元掌法門道門之政隋改諸郡縣佛寺爲道場道觀爲元壇而各置監丞卽今僧綱道紀之職所由昉矣陰陽立學始於元時蓋諸路總管府設陰陽教授明則陰陽正術典術各設其官亦相因也我

朝斟酌往制府州縣醫學僧道俱沿明之舊陰陽學則易

縣典術爲訓術勸民任職纖悉盡制夫醫術爲民生所最切而陰陽領之於官則有以絕妖妄之術至釋道二教由來已久徒類旣繁尤當設官爲之檢束伏讀乾隆元年

上諭有云僧道竊二氏之名無脩持之實但原天地好生之意不忍一物不得其所此庸愚無知之僧道亦天下之一物耳大哉

皇言視周官物爲之制而官設其守者實能推廣以神明其法所謂盡人物之性與天地參焉者也第此類流品猥雜俱由所轄有司擇其明習術

原闕

良鄉縣防守尉一人防禦二人驍騎校一人

謹案以上俱稽察九處駐防旗務大臣所屬故列於熱

河密雲山海關三處副都統之前

熱河副都統一人協領兼佐領五人佐領十五人防禦二十八
驍騎校二十人

密雲縣副都統一人協領四人佐領十六人防禦十六人驍騎
校十六人分駐古北口防守尉一人防禦二人驍騎校四人昌
平州防守尉一人防禦二人驍騎校一人

山海關副都統一人協領兼佐領二人佐領六人防禦八人驍
騎校八人分駐喜峯口防守尉一人防禦二人驍騎校四人冷
口防守尉一人防禦二人驍騎校三人玉田縣防守尉一人防

御二人驍騎校二人三河縣防守尉一人防禦一人驍騎校二
人順義縣防守尉一人防禦二人驍騎校一人永平府防守尉
一人防禦二人驍騎校二人羅文峪防禦一人驍騎校二人

謹案以上三處副都統皆自率所屬專鎮一方別無將
軍都統以節制之其張家口都統惟轄察哈爾八旗別
見各處辦事大臣表中茲不複載

陝西

西安將軍一人副都統二人協領兼佐領八人佐領三十二人
防禦四十人驍騎校四十人

甘肅

寧夏將軍一人副都統一人協領兼佐領五人佐領十九人防

禦二十四人步營防禦二人驍騎校二十四人涼州副都統一
人協領兼佐領二人佐領六人防禦八人驍騎校八人莊浪城
守尉一人佐領四人防禦四人驍騎校四人

謹案各省副都統皆統於將軍惟涼州副都統不屬寧
夏將軍節制

江蘇

江寧將軍一人副都統一
人協領兼佐領八人佐領三十二人
防禦四十人驍騎校四十人分駐京口副都統一
人協領兼佐領二人佐領十四人防禦十六人驍騎校十六人

浙江

杭州將軍一人副都統一
人協領兼佐領九人佐領二十三人

六百七十五

防禦二十八驍騎校三十二人分駐乍浦副都統一
人協領兼佐領五人佐領十一人防禦八人驍騎校十六人

湖北

荊州將軍一人副都統一
人協領兼佐領十八佐領四十六人
防禦五十六人驍騎校五十六人

廣東

廣州將軍一人副都統一
人協領兼佐領八人佐領八人防禦
三十二人驍騎校三十二人水師營協領一人佐領二人防禦
二人驍騎校六人

福建

福州將軍一人副都統一
人協領兼佐領八人佐領八人防禦

職官表卷五十五 各省駐防將軍等官 廣雅書局

八人驍騎校十六人水師營協領一人佐領二人防禦二人驍騎校六人

四川

成都將軍一人副都統一八協領兼佐領五人佐領十九人防禦二十四人驍騎校二十四人

山東

青州副都統一八協領兼佐領四人佐領十二人防禦十六人驍騎校十六人兼轄分駐德州城守尉一人防禦四人驍騎校四人

謹案山東駐防未設將軍惟以副都統管領與熱河密雲山海關諸處同例

山西

太原城守尉一人防禦四人驍騎校四人

謹案山西城守尉乾隆二十五年定歸巡撫節制

河南

河南城守尉一人佐領十人防禦十人驍騎校十人

謹案河南城守尉乾隆二十五年亦定歸巡撫節制

歷代建置

謹案戍防險要三代已然然因事而行及期而代特以為征調之役不以為設官之制也秦漢以後兵制遞更或隨時以制宜或應機而馭變經畫措置靡所不周而求如

國朝駐防之法者則史籍所傳未之前睹夫綠旗之兵名爲統於標營實則散在塘汛每猝不易集有勁旅爲之坐鎮而後遇有調發乃可以振策卽行綠營之兵騎射不能盡嫻戰鬪亦不能盡勇多相沿積習有八旗爲之矜式而後耳濡目染乃可以相觀漸化

祖宗定鼎之初必以羽林七萃綦布星羅於天下用意至爲深遠且卽三代盛時出車還率雨雪楊柳有道途之感瓜苦粟薪有家室之情故征調可暫不可常惟駐防之制拏孥以往世其廩祿則居處安而人心固又主客異形山川殊勢地非素習未習長驅惟駐防之制世居是土明其道路之夷險識其攻守之緩急則遇事駕輕就熟

雖戍兵而無異土人蓋一舉而數善備焉此誠非自古以來籌兵者之所意及故博稽史籍亦無舊典之可徵然蕭統有言椎輪爲大輅之始層冰爲積水所成古來用武之朝善謀之將亦有窺見此意之一二者謹摭其近似具列於左用備參攷焉

三代 未置

謹案周禮夏官曰司險掌九州之圖以周知山林川澤之阻皆有守禁鄭康成註曰國曰固野曰險夏官有掌固掌在國城郭則司險掌畿外阻固也蓋名山大澤不以封凡險奧之區皆隸王室有王官以司其禁戒是亦駐防之意然有司之守非軍旅之鎮也又易祓周禮總

義曰詩溥彼韓城燕師所完傳以為燕安也言王師久屯於外皆安集也則周時王國六師固有分屯調守之事攷小雅有遣戍勞還之詩多述其載離寒暑則當時鄉遂六師不過有事征遣無事歸耕與駐防之永鎮一方者亦有異今不敢附會古義強相牽合用以見

國朝兵制之善為三代之所未及也

秦未置

謹案漢書嚴安列傳稱秦使蒙恬將兵戍於北河又使尉佗將卒戍越然皆非久駐之師其統兵之官亦未嘗有特設之制也

漢

六百七十六

司馬貞史記索隱孔文祥云邊境有屯兵後因置將屯將軍

謹案章如愚山堂攷索曰漢高祖之世南北二軍不出而民兵散在郡國有事以羽檄召材官騎士以備軍旅文帝始以銅虎符代檄當時各因其地以中都官號將軍將之如魏邀為北地將軍周竈為隴西將軍事已而罷是將軍之地為名實昉於此然事已而罷則與今駐防將軍迥異至漢書武帝本紀稱元光元年衛尉李廣為驍騎將軍屯雲中其事亦與秦戍北河等惟司馬貞史記索隱所稱將屯將軍以屯駐邊疆特設此制所將雖亦郡國之兵而坐鎮一方與今駐防將軍尚髣髴

職官表卷五十五 各省駐防將軍等官 廣雅書局

相似也

後漢

後漢書和帝本紀永元十一年復置右校尉官

李賢注東觀記曰置

在西河
鵠澤縣

謹案漢之五校本衛宿禁旅然每遠出屯戍如鄧鴻以將軍長史率五營士屯雁門朱寵以北軍中候將五營士屯孟津是也班雄以屯騎將五營兵屯長安三輔征西馬賢將左右羽林五校士屯漢陽西河鵠澤亦置右校尉均以禁近親兵分布於巖疆重地與今駐防將軍之制相近

洪适隸釋張公神碑監黎陽營謁者豫章南昌李朝伯丞

釋曰漢志注云世祖以幽并州兵騎定天下特於黎陽立營以謁者監之

謹案漢官儀中興以幽冀并州兵克定天下故於黎陽立營以謁者監之攷光武以幽冀并兵制勝與唐高祖太原兵同皆所謂自將親兵也謁者以內臣典天子親兵置營黎陽與今之駐防各官相近後漢書馬武竇固陳訢以黎陽營兵破西羌鄧訓以黎陽營兵防烏丸竇憲以黎陽營兵破匈奴劉尚以黎陽營兵破迷唐度尚以黎陽營兵救零陵然則黎陽營在後漢當與五校並重故必以中謁者典之於外重兵重鎮委任必由禁近也又攷玉海載北邊有變則置度遼官南蠻或叛則置

職官表卷五十五 各省駐防將軍等官 廣雅書局 承

象林兵羌犯三輔則置長安雍二尉鮮卑入寇則置漁陽營永建元年緣邊增步兵陽嘉元年緣海各屯兵而扶風漢陽三百塢魏郡恆山六百一十六塢凡此皆以重兵分屯但主之者未必皆由內臣而因事設屯興廢無常與今各省駐防當有間也

三國 未置

晉 未置

謹案晉書溫嶠列傳稱先朝使五校出田今四軍五校有兵者及護軍所統外可分遣三軍出并屯要害處是亦駐防之意然嶠之所請當時未見舉行特虛有是議而已

宋齊梁陳 未置

北魏

周書鄭偉列傳魏恭帝二年進位大將軍除江陵防主都督十五州諸軍事專戮副防主杞賓王坐除名

謹案北魏六鎮皆在代京之北以屏蔽平城故都各鎮鎮將實近今

盛京各處駐防副都統之職故不列於此表惟江陵防王副防主之類則近於今之各省駐防將軍及副都統矣

北齊 未置

後周 未置

隋

職官長卷五十五 各省駐防將軍等官 十 廣雅書局刊

隋書文帝本紀開皇十年五月乙未詔曰魏末役車歲動未遑休息權置防府南征北伐居處無定朕甚愍之凡軍人可悉屬州縣墾田籍帳一與民同軍府統領宜依舊式罷山東河南及北方極邊之地新置新府

馬端臨文獻通攷隋兵制大約仍周府兵之舊而加潤色諸府之兵有郎將副將防主團主以相統治其外又有驃騎車騎二府皆有將軍後更驃騎曰鷹揚郎將車騎曰副郎將別置折衝果毅此府兵之大略也

謹案周勣府兵之制然地狹民寡征調頻仍未得盡行其法及隋既平陳始置郎將副將防主團主諸職駐防之制始於是稍詳矣其防主一官為郎將副將之屬與

六百五十三

北魏防主名同實異猶宋之巡檢專制諸州今巡檢則為雜流未秩也

唐

新唐書兵志高祖初起開大將軍府發自太原有兵三萬人及諸起義以相屬得兵二十萬武德初始置軍府以驃騎車騎兩將軍府領之析關中為十二道曰萬年道長安道富平道醴泉道同州道華州道寧州道岐州道幽州道西麟州道涇州道宜州道皆置府三年更以萬年道為參旗軍長安道為鼓旗軍富平道為元戈軍醴泉道為井鉞軍同州道為羽林軍華州道為騎官軍寧州道為揚威軍岐州道為平道軍幽州道為招搖軍西麟州道為苑游軍

涇州道爲天紀軍宜州道爲天節軍軍置將副各一人以督耕戰以車騎府統之六年廢十二軍改驃騎曰統軍車騎曰別將居歲餘後十二軍軍置將軍一人軍有防置主一人以檢察戶口勸課農桑太宗貞觀十年更號統軍爲折衝都尉別將爲果毅都尉諸府總曰折衝府凡天下十道置府六百三十四皆有名號而關內二百六十有一皆以隸諸衛凡府三等兵千二百人爲上千人爲中八百人爲下置折衝都尉一人左右果毅都尉各一人長史兵曹別將各一人校尉六人士以三百人爲團團有校尉五十人爲隊隊有正十人爲火火有長

杜牧原十六衛外開折衝果毅府五百七十四上府不越一千二百人五百七十四府凡有四十萬人

陸贄奏議太宗列置府兵八百所而關中五百舉天下不敵關中則居重馭輕之意也

唐會要武德三年七月十一日下詔曰周置六軍每習蒐狩漢增八校畢選驍勇今伊洛猶蕪江湖尙梗各因部次序其統屬改換征鐸創造徽章取象天官作其名號於是置十二衛將軍取威名素重者爲之分關內諸府隸焉關內置府二百六十一精兵士二十六萬舉關中之眾以臨四方又置折衝府二百八十通給舊府六百三十三河東道府額亞于關中河北之地人多壯勇故不置府其諸道亦置

〔明季本讀禮疑圖〕案唐諸衛環衛京師以隸外府之兵而十道諸州則分列州鎮謂之折衝章氏所謂府兵雖散在諸道然折衝都尉並遙隸於諸衛是也折衝府雖各在外治兵而官實內任故百官志係於諸衛之後不列於外官之中欲使聯屬於內焉蓋其職與漢都尉同但不似都尉之爲外任官耳上府千二百人中府千人下府八百人蓋所選材力之士而以折衝府統之使得專肄如漢之材官騎士統於都尉而課都試也季冬率屬教戰正指都試非謂練卒歲止一次而已如此則兵皆常練無不可用之人矣故二十爲兵六十而免中間四十年旣隸戎籍所業在兵時或散罷就田可以不廢生理故志謂府兵之置居無

事時耕於野得寓兵於農之大意焉折衝府數會要與陸贄杜牧之說多寡不同意者各據一時所見或所傳聞異詞耳今姑以唐志爲正凡十道置府六百三十四而關內二百六十一皆以隸諸衛也其隸諸衛也左右衛皆領六十府諸衛領五十至四十餘則隸東宮六率李泌以爲東宮六率領六至三蓋十二衛者天子之宿衛也東宮有左右率府擬左右衛司禦率府擬左右領軍衛左右清道率府擬左右金吾衛則太子之宿衛也以此分配則盡六百三十四府而分隸於十二衛與東宮六率矣太子六衛理不可虛以兵分衛則可以府分隸則不可故章氏曰太子管軍非古制也然太子所隸之兵亦必止於其所當番上

之府耳其餘固皆隸於十二衛也章氏以爲唐置十六衛外統關內天下諸府番上宿衛者是不知監門千牛四衛不與於領番上之兵也攷之六典十二衛與六率分隸之兵共隸三百一十九府而左右衛止共領五十府領軍衛六十府其餘或五十府四十九府六率不過五府三府此與唐志李泌所傳之數雖有不同而大略不甚相遠矣然府各有名著爲定額似以二千里上下之府歲立常番而十道之中如劔南嶺南所極之地不止二千里外者亦當在番上之列矣雖番分十二月之內始一月上勢必有所不及此不過寓控制遠方之術而已於政未爲盡便也又十道總立六百三十四府而關內一道獨得二百六

十一府其餘九道僅總得三百七十三府要之近地府密遠地府疏詳內略外亦恐地遠則勢有所難行歟然而地近則役煩亦可想見矣天下之府凡六百三十四李泌以爲通計六十八萬人而以約番上十二衛及東宮六率如前六典所分三百一十九府約得三十一萬九千人則宿衛之兵當天下府兵之半分爲數番每月更上以後日張說募兵之數約之則京師常有十二萬人足備天子六軍正副之數而番下者亦足以爲州府居守之資此居重馭輕亦治兵之善術也至其有事調發雖當遠府而所隸之衛皆得與聞焉否則何取於以府隸衛哉故典要云折衝府每歲十一月以衛士帳上於兵部以俟征發天下衛士

六十餘萬六十餘萬云者其卽李泌六十八萬之數歟以六十餘萬之眾而通謂之衛士可見其皆隸於十二衛矣然兵部者本兵之任也故徵發之數給番之差總制焉又以見十二衛之有所統矣其應番之府而兵先調發則必有代之給番者且二千里内外有眾六十餘萬更番之兵不患其寡餘兵隸在折衝緩急自能相應故雖遠在邊陲兵威亦足遙制觀李泌曰府兵分隸京師諸衛有寇則以符契發付邊將無寇分番宿衛蓋言邊地在京西而當二千里内外者所發之兵固亦應番宿衛之士然亦可見府兵初行但有征調而無久戍矣因調兵而成久戍之例因久戍而淹更番之期府兵之困蓋由於此其法安得而不

壞哉

謹案唐之折衝府散在諸道而內領於十六衛關內諸府既如今八旗勁旅拱護京師則諸道折衝府實與今各省駐防相近然攷資治通鑑稱德宗貞元二年上與李泌議復府兵泌因爲上歷敘府兵自西魏以來興廢之由且言府兵平日皆安居田畝每府有折衝領之折衝以農隙教習戰陣國家有事徵發則以符契下其州及府胡三省注府者折衝果毅府參驗發之至所期處將師案閱有教習不精者罪其折衝甚者罪及刺史軍還則賜助加賞便道罷之行者近不踰時遠不經歲高宗以劉仁軌爲洮河鎮守使以圖吐蕃於是始有久戍之役云云是

仍然征調往來不及我

朝駐防之制可經諸久遠也又舊唐書職官志稱至德後大郡要害之地置防禦使以治軍事其名與今防禦同然唐之防禦使實如今之兵備道職掌迥不相侔故不列於表

五季 未置

宋

李壽續通鑑長編凡禁軍之最親近者執戟殿陛宿衛宮省扈從乘輿號諸班直非諸班直於御前忠佐軍頭司皇城司驛院餘軍皆以守京師備征戍而出戍邊或諸州更戍者謂之屯駐非戍諸州而隸於總管者謂之駐泊非

屯駐駐泊而以糴賤畱便廩給謂之就糧

武經總要定州路置本路駐泊馬步軍都部署以下兵官所統定保深祁廣信安肅順安永寧八州軍順安軍今置真定府路駐泊馬步軍都部署以下兵官統真定府磁相邢趙洺六州

文獻通攷自唐中葉後營兵在諸鎮每防秋征行大則節將自往小則列校董之禁衛雖設而皆非精練然屯營之處頗雜耕戰五代以來亦有近藩之地更迭戍守者太祖太宗懲累朝藩鎮跋扈盡收兵於京師其邊防外鎮須兵屯守者自京而遣故有駐防屯泊之名其京畿諸州便運路者則有就糧兵馬許挈家屬以往及本州兵皆更迭屯

駐代還始復舊所

〔柯維騏宋史新編職官志總管鈐轄司掌總治軍旅屯戍營防守禦之政令都總管以節度使充副總管以觀察以下充舊相重臣亦爲都總管有禁兵駐泊其地者以駐泊冠之若鈐轄舊以朝官及諸司使以上充官卑資淺則去都字

〔宋史職官志路分都監掌本路禁旅屯戍邊防訓練之政令以肅清所部州府以下都監皆掌其本城屯駐兵甲訓練差使之事資淺者爲監押

〔王安石馬正惠公神道碑移鄜延路駐泊兵馬都總管兼知延州蜀人於公去皆環以泣公至延州羌方以兵覷邊會上元開門張燈視以無爲而羌不能爲寇

〔讀禮疑圖駐泊屯駐皆自禁軍遣然禁軍之中惟上軍爲重故其賜犒特厚軍頭司所掌者駐泊則駐泊重於屯駐而應駐泊者大抵皆上軍也故軍頭司引對焉就糧而代戍者亦禁軍也則與中下軍皆在屯駐之列而不必軍頭司引對矣然大祖時就糧亦有駐泊者豈預於駐泊者卽得爲上軍乎廂軍而屯者常在本州亦謂之屯駐禁軍廂軍皆有指揮其在屯所則總管鈐轄都監監押隨所部而統之兵志載熙寧三年詔所謂上番軍或就糧軍爲戍當遣者並隸總管司卽其制也

謹案陳傅良謂宋初天下元無禁兵所謂禁兵者皆三

司之卒分屯而更戍是以有屯駐泊之名而鈐轄都監監押之官所部領者也其三邊之兵間因事宜升爲禁軍則所謂四十四處禁軍是已自元昊叛而西北有保毅王倫叛而東南有宣毅於是列郡稍置禁軍嘉祐中詔東南帥司各置威果凡二十五指揮熙寧案天下廂軍之籍而立教閱之法其後以廂軍團併爲額則兩浙崇節福建保節之類是也教閱之兵因別爲額而隸之將下則兩浙雄節福建廣節之類是也元豐兵令悉以雄節之屬升同禁軍而禁軍始徧天下然則鈐轄總管當如今駐防將軍之比都監監押當如今城守尉防守尉之比以其爲統領禁軍而設故已見提督總兵表

內而仍互見於此

宋史職官志諸軍都統制副都統制統制統領建炎初置御營司擢王淵爲都統制紹興十一年三大將兵罷諸軍皆冠以御前二字擢其偏裨爲御前統領官以統制御前軍馬入銜秩高者爲御前諸軍都統制且令仍舊駐劄以屯駐州名冠軍額之上其後興元江陵建康鎮江府興金鄂江池州及平江許浦水軍皆除都統制官卑者稱副都統制又有統制同統制副統制統領同統領副統領

王應麟玉海建炎元年五月以河北兵爲御營五軍三年四月又更置御前五軍而劉光世所領西兵則謂之巡衛軍在五軍之外是歲又改爲神武軍紹興元年十二月又

改為行營四護軍十一年四月三宣撫司罷乙未乃改其部曲稱某州駐劄御前諸軍

謹案宋所設都統制皆一時權宜不為經常之制然其結銜帶御前之名而仍以屯駐州名冠軍額之上則與今之八旗駐防都統頗亦相近故已見提督等篇而亦互見於此

遼

遼史兵衛志眾部族軍眾部族分隸南北府守衛四邊各有司存具如左北府凡二十九部侍從宮帳奚王府部鎮南境五院部六院部東北路招討司烏威蒙古語樹林也原作烏隗今改部東北路統軍司約囉滿洲語響箭也原作遙里今改正部伯特滿洲語無能也

原作伯德今改部敖拉蒙古語山也原作與里今改部南冠部北冠部圖嚕滿洲語腰刀繫也原作圖盧今改部珠展蒙古語厚也原作朱者今改達嚕嚕解見戶部

河西部西北路招討司圖魯卜蒙古語模樣也原作突里不今改部阿雅索倫語好也原作奧衍今改女直部室韋部西南路招討司納喇人名係索倫語牛也原作八旗姓氏通譜改正部烏庫哩人名係索倫語今從八旗姓氏通譜改正部默古斯蒙古語寡原作梅古部吉達滿洲語鎗也原作額的今改部盈奇特原作匿訖今從八旗姓氏

烏延滿洲語柔軟也原作隗衍今改突厥部奧衍突厥部北唐古部五國部烏爾古蒙古語孳生也原作烏古今改迪里索倫語頭也原作敵烈今改統軍司達

魯蒙古語琵琶骨也原作迭魯今改迪里部威烏爾唐古特語中氣也原作隗烏古今改部

北敵烈部南府凡一十六部鎮駐西南境伊實解見八旗都統篇

部西南路招討司丕勒解見八旗都統篇部達勒達滿洲語遮蔽也原作迭達

今改達喇解見盛京將軍等官篇部丕勒解見八旗都統篇達嚕噶解見戶部

伊勒敦滿洲語順便也原作乙典今改女直部西北路招討司卓特解見八旗

都統部東北路統軍司塔瑪布古德原作鼻古德今改部東北路

女直兵馬司伊實阿爾威蒙古語阿爾威也威樹林也原作與隗今改部東京

都部署司卓特阿爾威部揚珠唐古特語儀表也原作窈瓜今改部刷解

八旗都統篇部哈準滿洲語犁刀也原作曷木今改部成倒塌嶺鄂博庫滿洲語沐

盆也原作訛侯括今改部屯駐朮胡薩拉噶蒙古語樹枝也原作撒里葛今改部南

唐古部色克圖滿洲語小兒聰慧也今從部八旗姓氏通譜人名改正

遼史百官志北面軍官遼宮帳部族京州屬國各自為軍

體統相承分數迭然攷其可知者如左大將軍府各統所

治軍之政令大將軍上將軍將軍小將軍諸路兵馬統署

司諸路兵馬都統署諸路兵馬副統署

謹案遼宮帳部族兵分部參列各以其地為部名亦今

直省駐防之所由昉其將有大將軍都統署以下諸官

稱號均復相近唯遼分置於北面而未嘗遍於南面諸

州為少異耳

金

金史兵志金興用兵如神無敵當世俗本鷙勁人多沈雄

兄弟子姓才皆良將部落伍技皆銳兵及其得志中國

乃以明安穆昆解見八旗都統篇參居漢地迨國勢浸盛罷遼東

職官表卷五十五 各省駐防將軍等官 廣雅書局

渤海漢人之襲明安穆昆者漸以兵柄歸其內族然樞府
簽軍兼采漢制伐宋之役參用漢軍及諸部族而統以國
人

謹案金始制以三百戶為穆昆穆昆十為明安繼而諸
部來降率用明安穆昆之名以授其首領而部伍其人
至海陵天德二年省并中京東京等路諸節鎮及明安
穆昆貞元遷都復徙上京路諸明安處之中都及山東
北京河間大定間又遷山東東路八穆昆處之河間又
多易置河北山東所屯之舊皆授田給牛使之耕食以
蕃衛京國乃大重其權授諸王以明安之號蓋諸明安
統率所部散處各路與今各省駐防之制頗為相近而

其以契丹漢人及渤海軍奚軍俱設明安亦有似今蒙
古漢軍並列八旗之制也至諸明安穆昆其品秩職掌
已詳八旗都統篇此不復舉

元

〔元史兵志〕世祖混一海內命宗王將兵鎮邊徼襟喉之地
而河洛山東據天下腹心則以蒙古特默齊解見八旗
都統篇軍
列大府以屯之淮江以南地盡南海則名藩列郡又各以
漢軍及親附等戍焉

謹案元於各路立萬戶府各縣立千戶所各道以宣慰
司元帥總之其所統蒙古軍皆國人而特默齊軍則諸
部族也其後各處鎮守頗多移徙而所謂蒙古軍特默

齊軍者亦無一定之籍矣

明

明史兵志太祖爲吳王罷元帥總管萬戶諸官號而覈其所部兵五千人爲指揮千人爲千戶百人爲百戶三十人爲總旗十人爲小旗天下既定度要害地係一郡者設所連郡者設衛大率五千六百人爲衛千一百二十人爲千戶所百十有二人爲百戶所所設總旗二小旗十大小聯比以成軍十三年改大都督府爲五分統諸軍司衛所二十六年定天下都司衛所共計都司十有七畱守司一內外衛三百二十九守禦千戶所六十五及成祖在位二十餘年多所增改其後措置不一

六百九十六
小十九

謹案明各衛所之兵有從征有歸附有謫發其從征者係諸將所部兵既定其地因以畱戍頗與今駐防之制相近而諸軍司衛所分統於五軍都督府征調則統於諸將事平則散歸各衛亦猶存唐府兵遺意然各都指揮使多由世襲無所別擇軍職冒濫爲世所輕其後五軍府如贅疣弁帥如走卒衛所軍士隱占虛冒至舉天下之兵不足以任戰守明政不綱莫此爲甚迨我

國家立駐防之制內承

天府之營衛外鞏列服之藩維生養訓練屹如金湯始一變明季諸衛之陋習洵足以昭一統之業而奠億載之基者矣

